

三長物齋詩略

序

予既序先生嘯山甜雪十卷授之梓矣他日  
予曰向有詩若干先花耘兄序而刊之爾來二十  
時復爲之不忍竟棄將擇舊刻之可存者合而編之  
爲詩畧五卷其已見甜雪及叢書中者概不復收欲  
精無欲其雜也取其約無取其繁也君其爲我檢校  
乎予笑應之曰西施毛嫱面本無瘢奈何欲我強爲  
乎因披卷而讀之真氣逼人目俱爽如遊神仙之府  
琪林瓊樹森立滿前卽一花一草無塵俗態也如登  
石之門高懷巨棟結構不常卽一几一榻有規矩存也

愛莫能割美不勝收幾無能定其去取爲勉擇其尤者  
得詩若干首將還質之先生或者見之竊病其略焉予  
曰嘻其左矣獨不見夫嗜味者乎嘗一嚮之甘可以知  
易牙之調和豈必珍饈之畢陳耶又不見夫識音者乎  
聆一曲之妙可知師曠之律呂豈必金石之疊奏耶今  
先生之詩爲編雖畧爲法已備其五古之淳朴也則溯  
源乎漢魏而下把昌黎之臂其七古之捺縱有法也則  
取逕乎嘉州而參以少陵之變化其諸近體之格律漣  
健而神韻清超也則韻頑乎摩詰襄陽而時入左司之  
庭而與之平揖而又皆本其性情之真學力之邃隨其

筆之所至神與古會初非斷斷以繩尺求合者也舍而咀之饜而飫之已有以見其無媿往哲足訓後賢矣豈又多乎哉近人刻集以多爲能不甘沙汰乃至瑕瑜互見鉅細不倫往往讀者刪其繁代爲約之去其雜代爲精之其視先生之去僞親雅無可指摘讀之惟恐其盡者果孰得而孰失歟或乃唯唯而退因書之簡末以告世之讀先生詩者時

道光二十七年丁未歲嘉平月愚弟閻海林潤東拜撰

舊序

虎癡少余四歲文字之外無他嗜好其性然也兒時偕  
余就外傅母氏督之嚴非數浹日不許歸歸至薄暮一  
鐙熒熒遮几弄筆札母氏訶止之因匿鄰媪家土銼鐐  
火之旁置硯伸紙書所欲言夜恒盡十餘幅思之所至  
字或不隨輒以音韻近似者當之見塾中課藝有所謂  
點句句股者亦以意句之股之其實迴環佶屈不可以  
句且股也嘗見余篋衍中貯佳紙百番心喜之而未敢  
言一夕竊去手裝冊子數十本塗抹殆盡母氏恚甚扶  
之余亦以收藏不謹受薄責焉凡此瑣瑣雖爲陳迹迄

今思之如昨日事而余與虎癡齒且加長矣東坡別穎  
濱詩云豈獨爲吾弟要是賢友生穎濱題東坡像則云  
人曰吾兄我曰吾師昔人於兄弟間互相師友如此余  
自束髮後飢驅四出往返數千里學殖荒落遠愧坡公  
然未嘗不以穎濱爲虎癡望每當歲盡歸家朔風振窗  
紙獵獵有聲余與虎癡方圍爐談藝爭執不休家人苦  
其絮聒輒以他語亂之而余兩人者方斷斷自若也今  
夏余主講濠溪虎癡以所爲式相好齋嗣存詩文寄正  
題曰初藁言未定也篇各爲斷將以就正四方朋好而  
進退之且以志其願好之心未已也豹之一斑狐之一

腋他日所至殆未可量因卽虎癡童年獨嗜觀繆紀存  
冀其有終勿懈且書以爲是藁序云嘉慶壬申中秋同  
懷兄花耘本騏

此舊刻式相好齋詩文藁序也自先兄棄世後不忍  
復稱是名因易齋爲三長物今重編是藁并易爲三  
長物齋詩文略三長物別有說見文略內其以略稱  
者詩文之附見叢刻者不錄應酬之作多次而不存  
也藁名雖易舊序仍留用志先兄期望之心第年老  
學荒自知所業無進然願好所在其就正朋好幸而  
教之猶初志云爾道光丁未嘉平本騏自紀

三長物齋詩略目錄

卷一

古近體詩七十四首

卷二

古近體詩七十一首

卷三

古近體詩三十六首

卷四

古近體詩四十五首

卷五



古近體詩七十六首

二長物齋詩略卷一

寧鄉黃本驥仲良著

題潘曦亭先生

其炳詩集

曠生五歲孤卒卒事經史稍長學爲詩藻纘鬪綺靡恐妨科舉文阿嬰怒使止迄今十餘年偶作輒焚燬去冬賚外黃載謁康成里龍門許暫登通家同孔李家公在

世時論交忘彼此墨海百丈濤書城三公雉

先生東先君子詩云

書城坐擁三公雉墨海行翻百丈濤

贈言墨未乾家公長已矣父執秋蓬

飄公如靈光歸談詩膽不豨戰藝肉生脾貺我百斛珠消我十年痞老健秋雲鵬新鮮春浪鮑閉門落葉中曳

杖斜陽裏空堂卧白雲一卷哦秋水公真詩中豪壇坫  
盟牛耳驥也願執鞭耽吟從此始

古別離

郎登江上舟妾望天涯樹浪險蛟龍驕莫向江心去

楊花和花耘兄韻四首

野店簫吹唱午餞如棉如絮未分明香紫繡戶閨中夢  
雪壓羶廬塞外情萍水輕浮藏睡鴨桃花細落誤啼鶯  
漢南此日春無賴門掩黃昏太瘦生

無計留春且送春可憐香粉落紅塵綠珠嬌墜拋模影  
飛燕輕翻舞掌身散騎省中華髮客上陽宮裏白頭人

多情一樣同飄泊分付東風細寫真

莫折長隄踈地條折來春恨更蕭蕭夕陽畫閣魂千里  
夜雨朱門話六朝絮影倦開青帝眼麴塵新舞小蠻腰  
繁英細逐錢塘水流入紅欄第幾橋

飛殘梁苑又隋宮霸業如花過眼空舊事興亡隨逝水  
長條閒謝任東風魂銷陌上兼堤上春盡愁中與夢中  
寄語繁華易搖落急須沽酒問村童

題江容川司馬

注

小倉書屋圖

隨園有山房容川有書屋皆以小倉名琴書媚幽獨先  
生瀛洲仙起爲蒼生福蘭芷嶺湘江桃李培衡麓家有

田一廛館貯春千斛桑麻躬自鋤花藥手親刷畫手誰  
擅場寫此溪山綠將無是輞川或者疑盤谷義取曹氏  
倉書滿李家麓非徒恣居遊亦以昭式穀玉樹森庭階  
樹人如樹木他日歸園田俸錢分鶴鹿太倉千萬間補  
向圖中築

懸弧吟

乙丑初度日走筆書此聊以自勗不必以詩論  
也

二十曰弱冠三十壯有室我當弱壯間光陰彈指失一  
歲三百六已過九千日中壽止百年已去四之一仲華

廿四時早拜司徒秩我忝鄉人長尙復事占畢我年甫  
五齡天倫變倉卒遺作今等身百無一能述阿嬰垂五  
旬髮白膚不實饌乏季偉雞懷無公紀摘東頭陸士衡  
遠縻侯門筆道韞肆荒原錦斷鴛鴦匹今當覽揆辰念  
此心悚慄憶我齡齡時戲繞長者膝此誇讓棗融彼羨  
賦基泌匆匆廿餘年學不超黨術譬彼井底蛙又若禪  
中蠶昔日東隣兒但覓棗與栗別來不數年看花馬蹏  
疾時乎不再來程功貴專壹良田惟陟釐良耒惟不聿  
毋辭汗簡勞毋戀那居逸歌罷懸弧吟杲杲日初出

十憶詩 存四首

黃山白嶽何處招魂碧海青夫不曾入夢蓋哀  
緣於愛終有衰弛之時而文生於情益增伉儷  
之感室人謝氏四載于歸一朝奄化巾箱刀尺  
觸目傷神鍼線衣裳開滅灑淚孤館挑燈之夜  
未免有懷空齋聽雨之時誰能無恨口占七字  
用寫百憂非敢比潘令之悼亡竊欲效劉郎之  
傷往庶使一腔悵鬱借毫素以稍抒平日膏容  
託詠歌而不昧云爾

憶君曾泛木蘭舟廿載西湖記舊遊環珮歸來湘浦月

六橋煙柳夢杭州

氏隨宦武林  
近二十年

憶君設說值靈辰，翦燕黏雞日。號人屈指日來人，不見

忍看帖子換官春。

氏以下月  
七日生

憶君詠絮擅才華，道韞重生太傅家。遺挂塵封蝸篆蝕，  
尙留筆跡數行斜。

憶君一竈濱荒隄，暮雨城南百舌啼。慘絕年年寒食日，  
野風開遍刺棠梨。

絳燭詞

絳燭燒殘夜燭晨，依然踏遍苧蘿春。夢迴幾度輕推枕，  
誤喚新人作舊人。

舟過鑿石謁工部草堂



三十一  
卷四  
一  
一片荒涼石千秋屬杜陵江山遺詠在風雨幾人登野  
岸維孤艇空堂卧病僧往來檣上燕猶識舊峻嶒

謁蔡忠烈墓

千秋父老罵戎曹忍陷書生失將韜竟棄斑衣酬社稷  
甘將碧血灑戈矛祇今拓土湘雲黯終古孤城軫宿高  
幾度憑臨倍流涕揚風亭外雨蕭騷

戎曹謂  
尹先民

得家書

離家月兩圓春夏倏已換忽聞鄉人來旅愁爲一散未  
問來人名先索家書看封面署平安疑信猶忝半拆書  
手欲爭讀竟心仍亂上言母身安下言無米幾家貧缺

行甘劬勞到葱蒜慮兒學業荒念兒肢體懦飢寒慎服  
食居遊戒愒翫阿兒客京華鳩行南北判倚門眼欲穿  
歸期兩難算膝前豈無人終不堪使喚兒遊雖有方欲  
見殊未便東家服買兒洗驥羅精粲西家力田子救水  
難問聞昔聞負米賢遠以百里斷胡爲被飢驅晨夕疎  
御盤傷哉陟屺詩未讀己三歎

題沈筠堂夫子

廷瑛

小照卽送其赴汀漳觀察之

任

日暮蕭蕭碧雲起閩海湘江闊千里穹碑曩屢鐫去思  
須看鷲鳥剡溪紙訟庭莎影綠差差畫戟清香澹如此

衙鼓聲遲白晝長  
放衙不卧黃袖被灣名  
銷夏午風柔  
蓮衣紅蘸玻璃水  
青鞵白袷恣讌遊  
蘋花笑采汀洲裏  
雪和鼓罷讀離騷  
長擷中椒薦芳芷  
是宜酌酒招湘君  
不爾投詩弔屈子  
胡然龍躍越清班  
隼旟子子辭江汜  
雪竹峯頭射黃鵠  
雲溪畔騎赤鯉  
他年海嶠歌旬宣  
定與此圖相終始  
驥也朽植熙春風  
檣櫓公然溷桃李  
虬枝百尺瞻岱松  
况迺甘棠久依芑  
願留一幀懸公堂  
星沙人士長仰止  
即此科頭坐嘯時  
想見臨風影繡豸

題李鶴坪明府

元適

紀遊畫冊十首即次原韻

落落東溪松久爲猿鶴有  
月來問主人蒼髯如舊否  
何

時賦遂初笑握曜仙手

東溪松月

太行巨平陽縣延限西北客子老風塵山靈驟難識  
起此夕照閑輪蹄且暫息

太行夕照

華陰三芙蓉立馬蒼黃望河聲西北來嶽色巖相向  
長驅入關門紅塵高十丈

秦關嶽色

坐聽蜀岡雨遙望邗江烟紅欄廿四橋簫鼓喧來船  
醉招六一翁載月遊前川

紅橋烟艇

圻柳鳳城兩相殘神仙吏斗覺縑壘中春風襲衣袂  
迴首望舊遊高臺入雲際

魚臺雅饒

維鏃踞荆襄大江千里注東吳估客船風帆日馳驚  
笑

倩吹笛人指點鶴來處

鄂渚江表

君扇綰雙髻蒲帆輕受風一水白莽莽兩山青濛濛狂  
歌破巨浪雲夢蟠心胸

洞庭風帆

朝暾躍扶桑嶽頂驚栖鳥雲海尙蒼茫人間應未曉一

聲上封鐘天宇澄悠杳

祝融寶子

黔峯高刺天森然排萬戟賢侯叱馭過不覺羊腸窄蠻  
煙瘴雨中山鬼攫行客

黔山叱馭

琴鳴湘上堂纓濯瀆中閣青螺與碧雞側影凌空廓讀

此勝夢遊滌我十日惡

華浦濯纓

洞庭秋月

月滿湖平客欲仙  
攜樽閒上洞庭船  
隨風一葉輕如許  
人在荻花深處眠

擘蟹次彭鷗亭觀察

應燕

韻十首

存四

何必純鱸憶昔豪  
團臍出海帶鹹濤  
臙肢斑點紅銅殼  
皂筴香醃白玉螯

寶氣蟠胸一品豪  
頻將珠沫喫銀濤  
平生本是江湖使  
肯向笊筍屈健螯

滌器臨邛一世豪  
猶留小字寄空濤  
自從封禪陳書後  
千古文章贖片螯

湖海元龍意氣豪  
十年清夢隔烟濤  
秋風蟹舍江南岸

三十一  
紅蓼花根露半螿

秋日過十方禪院

禪闕深鎖毒龍腥梵響空山客暫停一匝白雲僧出汲  
滿林花雨鶴聽經團蒲入定鐘初寂洗鉢歸遲戶半扃  
自是祇園春不老秋來猶贖佛頭青

贈張敬典古鏡繫以歌

張生嚙古如嗜痂搜羅彝鼎勤搔爬土人贈我古月魄  
血繡糾蝕靈光華傳聞得自老槐底槐根千尺空綸笏  
夜深火起白如晝邑犬羣吠山魃譁披衣繞樹覓不得  
急攜鋤鍤抔泥沙泥沙盡淨寶鑑出精瑩透澈無纖瑕

土花著雨翠欲滴，鮮氣帶露紅難遮。音清質薄製逼古，  
擬以漢魏應無差。我聞飛燕恣諧詠，菱花七出驕宮娃。  
又聞阿瞞富珍異，春深銅雀香奩奢。此鏡觚稜製小異，  
無乃牝牡分巀屨。金鵲青鸞器已渺，碧光絳氣空咨嗟。  
獨留神物落吾手，頓令兩眼忘麻茶。張生年少具清鑒，  
持此轉贈情彌賒。刮摩終日不釋手，愛護生恐飛龍孳。  
願君長以照肝膽，幸勿徒爲香閨寶髻蟠雙鴉。

題彭翼雲

衍塔

玉樓金埒圖

曾踏江南二月春，綠楊城郭杏花辰。美人名酒千金馬，  
半是平生未了因。



蓮塘坐月

坐愛銀塘月蓮衣瑟瑟香花光侵檻溼人語隔烟涼近  
水青衫潤淩波翠蓋張吳娃歌起處雙槳打鴛鴦

十秋詩

秋風木葉下寒林衰草連天一色侵滿地暗霜行客影  
四山殘燒故鄉心平蕪莽蒼鷹盤遠古道荒寒馬跡深  
南浦踏春青不斷椰堪蕭索到如今

秋草

靈和風景悵遷移賸此蕭條一兩枝誰更折從鶯去後  
最堪憐是鴈來時樓臺北里牽新恨金粉南朝話舊期  
莫向灞陵橋上望幾絲煙雨倍支離

秋柳

數行書帛報平安江上今宵獨倚欄塞外關山千里夢  
客中風雨一燈寒來從易水煙波闊飛近衡陽木葉殘  
譜入冰絃秋欲暝淒涼箏柱幾回看

秋鴈

咽露吟寒攬客思急如絡緯亂如絲孤燈照壁無眠夜  
落葉敲窗獨酌時遠客心情如共訴涼秋消息最先知  
西風滿地黃花瘦信步尋聲過短籬

秋蟄

何處飛來估客船蒲帆輕颺洞庭煙蕭蕭風緊寒鴉外  
葉葉霜搖落鴈邊歸夢遠隨秋雨急鄉心高與白雲懸  
江樓幾度凭闌望指點東流眼欲穿

秋慨

長板橋頭舊酒家秋風秋雨一帘斜竿懸古渡名桃葉

盆熟新醕釀菊花吟影每招蓮社集醉鄉長被驛樓遮  
囊空笑指芻香處可似春遊許暫賒

秋節

一粟寒燈黯欲昏自勤挑撥掩重門漫憐餘焰分鄰照  
猶臘殘膏向客溫夜靜祇容孤影對夢迴難共短檠言

雞窗伴讀蘭煙細遍燭娉嬭古蠹痕

秋燈

刀尺新催九月秋暮砧處處起闌愁裁衣預度腰圍瘦  
搗練難辭腕力柔一夜清霜天外成滿江寒月水中樓

卽今萬里無邊警我亦聞聲欲白頭

秋砧

珍重齊紈出素幃班姬新製手親揮一規明月辭歌席  
兩袖香風卸舞衣翦賸蒲葵霜內老撲殘蝴蝶夢中飛

炎涼今古應同慨莫望昭陽怨落暉

秋扇

灑灑琉璃入尺黃合隨團扇共收藏  
五花夢冷秋如水半榻寒生夜有霜  
貯筭爲珍知己贈含漪猶戀美人牀  
炎飈待訂來年約曲院殷勤薦晚涼

秋簟

題李篋亭

震

寒漁雪獵圖

丈夫得志走萬里安能鬱鬱爲窮死  
匹馬晝獵陰山寒短衣夜涉桑乾水  
酒酣耳熱歌鳴嗚戲挈江湖作杯匕  
不然拘折紅珊瑚秋江把釣蘆花裏  
彫胡飯熟鱸魚肥篷牕細嚼蓴須紫  
一聲欸乃滄浪清跳入龍淵捉龍子  
中州李君人中豪少年意氣差如此  
曾遊昆海弋鵬鷺

又到湘江擷蘭芷片帆飽挂洞庭風收拾烟濤入行李  
曾聞竇郟賊跳梁一日射盡房中矢殲除小醜安粉泉  
鄉里相恃爲壁壘胡爲潦倒誤儒冠頓使英雄肉生髀  
卜居祗合築糟邱醉鄉誰復呼庚癸讀君藎同爲君歌  
一夜東風江上起

雙清亭

濱邵雙蜿蜒到此一束縛危磯蹲怒猊迴頭瞰城郭何  
年闢此亭翼然壓屋狷朋惡闕縱遠眸全郡歸包絡雲水  
盪胸臆襟懷頓開拓俯視清流清鳧馴如鶴沈江埕  
影孤一筍新解鐘風來衣袂涼石磴松泉落忽聞柔虜

聲吐啞雜簷鐸欲濯滄浪纓暫住紅塵脚

瞑坐

深山無晦明瞑坐成朝夕不見往來人閒數鹿行跡

炊烟

炊烟屋角來隨風入園圃時有灌園人相與隔烟語

湘筠篇爲尹節母作

湘筠飽霜雪百尺青琅玕枝枝留血淚點點成斑痕上  
爲老鳳巢其下蔭雛鷄琅玕信云美重此慈竹根繫昔  
明祚亡陽九運屯遭母生丁其會鄉井叢戈鏃所天吉  
甫齋敬如冀缺賓堂上潔滄髓姑壽躋金蔑是時居潭

城雉堞崇言言易代俟五載餘孽猶爭猶黃巾逞豨突  
赤眉紛螳屯巢焚穀失乳痛哭蒼穹昏偕隱徙石潭白  
蠶飛青燐羸瓶汲凍井力作忘艱難鼎鼎百年內誓爲  
鶻與鴛良璧或易毀好月無常圓藁砧復繼逝慘獨留  
此身煉雲天莫補銜石海難填靡他矢將死奈有雙孤  
存吁嗟父母未亡一人肩如持寸綫絨紉彼百衲穿  
如理濁繭絲繫彼千鈞懸篝燈夜擘紵以撻朝泊餐俛  
仰三十載砥節良苦辛辛苦辛旣云盡衣孫冠成均迄今  
歷五世跼系縣會元南宮闕堂構玉爲雙闕會當叩  
金闕綽楔歸嵩門徽音昭奕奕麟彤史揚清芬舉手招

帝子鼓瑟騷青鸞蘭旌與桂旗縹渺來雲端楚山高矗  
躡湘水清潏潏壺儀不可見視此湘筠篇

曉發

水驛寒雞喔喔鳴霜江月落曉潮生蘆花兩岸白如雪  
船在慈闈夢裏行

義帝陵二首

夕陽秋草寢門闌石獸沈埋蘚碣斑逐鹿未能成帝業  
牧羊何不老民間重瞳氣力真扶楚隆準寬仁敢閉關  
千古興亡若莫問故鄉誰見繡衣還

民望居然項氏功狐埋狐搨太恩恩斬蛇預識竄容度



養虎難降叱咤雄  
臘酒尙留今日奠  
遺民猶有漢時風  
當知此義誰知者  
前楚南公後董公

蘇仙嶺

綠髮歸來不計年  
琳宮高踞萬峯顛  
洞灣背日疑無路  
松老擎雲欲上天  
鶴鹿至今思孝子  
橘桃何事說神仙  
數聲樵斧斜陽外  
南嶺人烟落眼前

九日登東山遇雨

城東講舍冠峻嶒  
千里居遊慶得朋  
親舍每從雲外望  
名山多向雨中登  
爲人作嫁無家女  
對客談禪有髮僧  
佳節莫辭腰脚病  
題詩更上最高層

東山書院感懷

鹿洞清規啟後人，東山朝爽接城闈。青衿愧誦先芬舊，

絳帳欣傳祖德新。

先曾祖甲午掌教於此

階草尙留當日綠，庭烏

猶話昔年春。龍門幸託通家好，

山長陳劍溪先生爲先曾祖高弟

學海

源頭許問津。

陳劍溪山長

昭謀

惠和疊前韻四首報之

謝公詩句果驚人，尺五應攜叩帝闈。不與延年爭鏤錯，  
直同開府闔清新。雙聲疊和巴人曲，七字高吟楚澤春。  
報賜孟明甘退舍，羸師何敢濟茅津。

門外車多問字人，成陰桃李列重闈。銜鱸已卜登升兆，

薦鷓行看被濯新苜蓿會懸鄰郡鐸粉榆久樂故園春  
蘇湖此日從遊者指顧同登要路津

太邱風義重鄉人元季同居郭外園香折桂林家業紹  
秀培芹沼義方新蘭芽彩燦江郎夢棗粵華摘庶子春  
會見三君齊策足一門清譽譟通津

登樓王粲尙依人來鶴栖遲古郡闈祖武愧繩貽厥舊  
父書難共友于新庭前磐石超元淚座上光風茂叔春  
願把賡言銘案北心源活潑指迷津

閱汪豫林

楸相

贈沈桐君十二侵全韻詩挨次和

之以題其集

此詩作于郴陽官廨距今六載豫林已爲異物偶檢舊稿存之以志

山陽都督之感王  
申初秋虎瘵自記

五峯山號老九派水名溥波影指明鏡嵐光插碧簪地  
靈生索靖人瑞出繁欽石瘦松根勁泥肥竹箭森齒牙  
方蹉蹉頭角已崆崆戲造洪兒紙閒敲稚子鍼文心  
董買詩律彷彿高岑學早窺丁部佻還戒子衿弱齡懷杜  
癖壯志慕劉淫未奪標頭錦空彈海上琴白雪殷陟此  
紫氣快觀鐔畫舫曾遊岳甲子年君  
隨侍岳州珊瑚鞭又指榔到時  
逢地臘來路記廬瀟見面君嫌晚談心我欲瘖戰瓜鎗  
夏喝賭茗破秋霽臭味光風澹襟懷皓月湛鄰非無二  
仲禮敢齒諧任病愈三年瘖疑剗十月妊諭交忘汝我

談藝混差參果熟嘗同裨燈昏寢共衾無言常脈脈得意更悄悄南塔含杯望東山著屣尋直攀雲際樹高眺

日邊覆大有登臨興休教歲月駸觴飛官閣蝶同人各具一蝶

爲蝴蝶會羹煑古潭鱠九日龍泉潭魚爲柳陽佳產遠寺寒煙隔孤城蒲

霧侵江流環蕩漾山勢抱崎嶇良會風吹帽歸途月在

林三秋真莽蒼四韻寫懽慘以重陽登高四字爲韻祝我明珠富

懷人舊雨霑謂陳菘孫世固詩情餐晚菊草法學來橋更有羹

中句應題漢上襟韓亭留雅韻又魚蘇嶺寄微忱蘇仙

綠洗前朝碣朱懷古帝綬義帝陵莫矜扛鼎力終被斬蛇

擒紙上靈風踏毫端鬼雨灑此時同唱和他日或商參

展卷應思我高歌定憶今線憐貧女壓語學小兒暗恨  
補江淹賦心違范浚箴生涯愁刻鵠舊業舍家禽數出  
方離乳橋高早失陰慈親真苦節鬻子念曉音孟荀林  
空綠揚烏尾不黔欲編花萼集難詡墨華淋異地應加  
飯懷歸必漑鬻壁雖誇陸曄檄亦草陳琳澧浦秋蘭佩  
時家兄嶽林亦遊幕澧州敦江濁酒斟燕寒權避戍獲屈暫蟠壬匣  
有馮驩劍囊無陸賈金番禺耆老桂高麗乞靈蓼謂尊  
前容  
川先子幸莊椿健余舒楚佩琳談經探月窟析里到蹄  
泐錦授支機石材加斫木榘文章爭造化政治切民謀  
日煥鶯袍麗風影薦綬狂桑陰郁伯勞棠蔭召公臨草

掩園扉往書除講舍蟪蛄羨君勤負荷隨宦尚溫燂子舍  
思懷檄賁階快贊琛豹文占炳蔚鹿野賦蒿芩牛父朝  
驅犢蠶娘夜聽鷺凡民知惜日之子况爲霖家學追羲  
獻才名繼向散風流宜蘊藉放達亦深沈忽聽陽春曲  
如聞日莫砧效顰知韻險細玩覺情深沈約腰仍瘦汪  
倫調再吟篇長詞易泛腹儉思難禁藉寫印須意聊存  
盍各心

討蚊

山齋草樹蓄積夏蚊宵蕃戲作討蚊詩若干韻  
聊同賦蝮差比雕蟲若曰青蠅刺讒爲蛾斥譖

風雅所託必有厥由則非余所敢知也

客夜長如年客舍小如筏入耳蚊成雷羣飛翅翩翩傳  
書白鳥名飄戾勝鷗鷺多逾蚤蝨蟻比若鵜鱓蟹未昏  
聲已喧漏盡聲未歇微軀輕如毛長喙細如髮有時嚙  
鳴來鳴金奮征伐有時悄然至銜枚起倉猝隔膜懸利  
鍼綠裳垂銳蔽初疑背生芒細視肌起凸搔瘡笑嗜痂  
伸足恐被別塵拂難暫捐指掌不停摔傷雖在皮膚囊  
已到筋骨欲以紗幬遮負土供具闕欲以毒草薰眼鼻  
畏烟燂欲以十扇環立久僮僵厥欲以百爪抓麻姑久  
湮沒計窮轉詰之汝我本秦越折柬未見招司閤未通



謁入幕復踰垣不速來何突形狀本么麼攻伺偏微許  
弱肉恣貪饕羸軀供齶齶不擇瘠與肥不辨癩與醇不  
耻黔婁嗟不畏曾西艤營營蠅附驥蠢蠢蟻慕羯效忠  
非蹠犬遺害等堯蝎假仁若齊桓宜任汝猖獗佞佛若  
沈偷宜逞汝凶悖展禽古孝子汝敢吠狂獗高郵有節  
婦汝使露筋歿 聖世掃蚍蜉麟遊畜不越恃惡終不  
悛行將奉天罰召彼軍尉占筮遇蠲之卒繇云異穀飛  
炎夏興也勃高不事王侯亦嘗去糖揆毒比蠱而翼昏  
夜出恍惚直待商飈臨族類始天闕剝牀與噬膚龜兆  
變不竭乃興問罪師指揮勞捐捐將軍命百蟲蟲達率

銳卒蠭氏用火攻伏飛矢燮發露布下庭除蚤弧旗高  
搗長塞搗蠭嶙迅若擒回鶻昏市無孑遺黍民盡殲厥  
縱有負山力螳臂敢當軌殛汝于羸山罪名書檣杙巢  
穴既勦除燹螟亦斃航平望成胆途邵伯留清樾若能  
戢翼降恕不汝鈇鉞浴以蔽露池遷以桂月窟渴飲南  
澗泉飢食西山蕨與汝軟血盟請誦其辭曰我無侵汝  
疆汝無犯我闕所不汝宥者指天有如月

三才圖會卷之二十一終

三長物齋詩略卷二

寧鄉黃本驥仲良著

次韻朱晴谿游嶽麓寺二首

問渡湘西岸同尋水竹村  
鐘魚晴有韻車馬靜無喧  
黃葉不知路白雲常到門  
名山逢勝侶相對澹忘言  
十五年前客秋燈此閉關  
故人亭外樹舊夢榻邊山  
况有新朋輩相攜劇往還  
夕陽游興愜歸路水雲間

桃花山館

一灣流水繞孤村  
幾樹桃花紅到門  
溪上落英春不管  
山人留與伴黃昏

跋荻齋詩徵

先伯高祖荻齋公爲母楊太君節孝所徵

今去編詩日流光已百年開緘頻展誦一字一潸然  
影依稀見芸香次第傳前徽雖爛著端賴後人賢

雪中柬友

懸知高臥處積雪一庭深明日莫教掃與君相對吟  
飢寒身外事杯酒故人心偶遇山中使因之寄好音

題友人近集

蕭蕭黃葉下高樹墮地夕陽秋有聲美人拾取入瑤瑟  
泠然一曲空山情

湯質吾

盤

分燈圖

取五夜課兒讀詩意  
他一角補

陶令多男誰識字昌黎有婦但啼餓君家一點春燈影  
半課兒書半補衣

書卷拋殘客異鄉春寒誰補破衣裳山妻亦有閒燈火  
讓與鄰家夜績孃

觀瀑圖爲羅花漁謙題

脚跟不踏匡廬巔詞源萬斛皆枯泉誰摹飛瀑入縮本  
頓令尺幅生雲烟羅君嗜水有奇癖便欲掬取滋情田  
招賢寺外碧潭淨康王谷口珠簾懸唐人品泉頗不謬  
惜爲苦茗供熬煎我亦曾訂卧游約夢魂飛度香爐前  
一道虬龍落絕壁千聲鸞鶴鳴諸天

王申秋余夢游廬山作觀瀑詩有句

云一道虬龍蟠水府  
千聲鸞鶴下晴霄  
睡鄉得句雖劣惡異境幻過非偶

然披圖了了如舊識  
要君同結名山緣  
低頭笑洗巢父  
耳舉手戲拍洪厓肩  
一瓢滿酌圖中瀑  
湔除肺腑涵清  
漣文陣濡毫倒三峽  
酒兵傾榼吞百川  
盤陀石上跌跏  
坐俯瞰溝水流涓涓

開福寺亦笠亭落成次竹軒上人韻

面嶽曾游一笠亭  
甘棠遺植久彫零

鐵佛寺一笠亭梁階平相國建陳古

華太守以面嶽額之其地距開福五里

當頭又見亭如笠  
到眼仍看嶽作

屏五代園林餘劫燒

寺爲五代馬氏會芳園故址

四山風雨泣神靈

頭陀指點興亡夢  
手闢柯南半畝青

亭側古樟綠蔭數畝蓋數百年物也

壽何吟梅 元祐五十

如此頭顱籍未通，眼看餘子踏春風。  
將短髮垂垂白，肯逐飛花袞袞紅。  
世事重輕差雀燕，名心得失付鷄蟲。  
無多諛語爲君祝，辦取尊前酒不空。

次韻題姚香南觀察

典潔

歸舟載鶴圖二首

官閣蕭疏葉打窗，一牀秋夢墮吳艖。  
宦途未放雲歸壑，鄉思常邀鶴渡江。  
故國誅茅鄰短簿，新詩斫樹角窮龐。  
披圖絕少星星影，心境能令白髮降。

他年枕翅卧陶窗，合爲胎仙辦此艘。  
枌社夕陽連皖水，棠陰春雨到湘江。  
邊民有口碑長勒，佛子無言政不龐。



一事應須話閭里爲官難得士心降

辰陽寒食

蹴毬時節賣陽天客裏銜杯百感煎  
添我酒懷榆莢雨泥人鄉思柳絲烟  
蘧蘧曉夢迷莊蝶冉冉春愁怯杜鵑  
此日高堂兒女淚招魂望遠總悽然

時與花松同客辰陽招魂謂亡妹唐

安人也

前題次花松韻

蚩蚩力穡氓白首聚村堡鷄犬識家風  
桑麻敦古道得食脫粟甘裁衣麤布好  
何事輕遠遊領身營一飽四時無長春  
一日不再曉少壯能幾時一見一醜老  
昔去燕

山陲今來鬢樹杪東風吹芳莢一碧混遙昊破硯作生  
涯石田望秋稻泊絲簪且柔泮凍須千搗再拜讀兄詩  
昏夜發覆燎冷節客中過驛柳搖幢葆雲水障家山有  
帶愁難掃一曲武溪深男兒事招討

背面美人

反東坡若敘迴首更嫣然詩意

畫工欲畫無窮意背面難工當面易不將脂粉博恩情  
祇許形容留夢寐世俗妍媸無定評千古蛾眉難自恃  
登徒宋玉各愛憎鄒忌徐公誰美麗偏從媼母乞輝光  
翻向西施索瘢痣君不見李夫人轉嚮歛歔死猶媚又  
不見卓文君輕自獻身中道棄

哭管髯 廣用

公卿以勢交市井以利友炎涼生死心雨雲翻覆手余  
生湖湘間足跡局戶牖知己三兩人然諾頗不苟憶昔  
張澧州範夜讌煎春韭座上逢虬髯劇談輕冕綬端木  
以貨傳子羽誰貌取何須目識丁未要洞探酉余時飲  
半酣戲捋髯如帚同心齊車笠盟言訂杵臼澧州歸梁  
園五綠離亭柳前年髯南來見面值歲首告余澧州亡  
哭奠椒花酒是時余謂髯風霜歷鍊久意氣仍激昂面  
目未老醜怒怒髯北行余亦東西走小別無幾時端不  
礙年壽昨歸晤髯季問訖髯安否何期蒿上風隕綠搖

叢暗髯歸先哭父淚血繼以嘔二豎乃見侵三彭竟失  
守泉臺舞萊衣自足娛阿叟荒荒地難縮夢夢天莫叩  
如髯磊落人曾未躋鮪肴所喜髯有子克稱髯家後他  
日大門間定出崔盧右昨閱北科錄奎光射牛斗澧州  
仲公子耳一舉超儕偶地下逢渠翁也應笑開口髯季  
述道言晚詩乞黃九深慙余無文難志髯不朽樹劍挂  
琴陵效高答靈輜迴首望北邙宿草今應有

廣文先生布衣行爲魏豐溪

樂淵作

纍纍布勝無裳髯蘇之說誠荒唐布質雖麤用則貴蕉  
翠有時齊姬姜誰云廣文官獨冷布衣新製忘炎涼旣

非西域之火浣亦非南越之荃香木棉細氎白如雪先生服此聊徜徉我聞丞相布作被揚揚高卧政事堂廣文自有七品服越職僭用無乃狂先生衣曾柳染汁一枝高折秋花黃胡爲不施錦步障胡爲不著繡襦襦主持風化廣文賁儉德乃爲青衿侶吳綃越縠屏不御北窗一枕追羲皇自有青氍表素志何須絳帳增輝煌青鞋布襪從此始涼颺入戶披襟當君不見繡衣使者滿道路紅塵赤日徒踉蹌又不見宮袍照耀日五色轉眼木梨零秋霜何如先生安且吉冷署卽是康成鄉願庶此衣衣寒素鍼砭統袴興膠庠

趙綺園司馬

文在

招游太虛洞分韻得洞字

仲春來五溪屈指又冬仲  
遍覽溪山深到此駐游鞚  
主人琴鶴仙賓館羅王貢  
榻容徐釋眠笛許桓伊弄  
言尋古洞天荒唐結帡幪  
石骨開天故坤倪鑿幽空  
巧匠竭雕鏐神工費磨礪  
旋如負殼羸解若含包攫  
皆裂惡鬼蹲瘤懸醜女痛  
嚴寒留餘歎盛暑滴碎凍  
疊玉削雲映垂珠流乳湮  
烟篁浮古班霜草長新蹠  
石角綴藤花松梢斲霧淞  
猿猱長似人蝙蝠大於鳳  
螫龍常貪眠飛鳥未敢狝  
中有泉一泓活綠寒不凍  
流觴雪影沈投石雷聲閤  
雙雙紅鯉魚揚鬣欲搏控  
此境在人間千古隱荒

霧不作十日游山隴定嘲諷安能滿囊錢買山兼買洞  
煮石支破鑄誅茅結危棟紀勝有坡翁文章闢幽營家  
兄昔訪碑曾此發清吟鄧南坡學博有遊太虛  
洞記花表有紀游詩我亦好  
事人塵容勞倥傯讀記并哦詩千里寄通夢今始結新  
緣聊復償夙衷扣石恣狂吟恐觸山神恫歸路憩溪橋  
團瓢聚僧衆山僮掃葉迎野鹿銜芝送夕陽城郭閒斯  
游忘市哄迴首望仙關白雲圍臥甕

自乾州歸留別向曉園

別二首

湘江迢遞漁溪深千里論交著屐尋獻璞如君三別足  
銜杯爲我一開襟風塵物色誰青眼文字因緣此素心

貴訖有才終不棄何勞季主卜升沈

邊城立馬客情賒石磴蛇蟠一綫斜雨地分飛慙去雁  
百年反哺愧歸鴉溪山到處誰非主詩酒逢迎便是家  
三復贈言蘭有臭相期努力趁春華

苦熱用昌黎苦寒韻

湯火未可蹈况乃二者兼旱魃固已虐祝融殊欠廉五  
德夏爲禮何偏而不謙萬族正長養從根枯到尖豈無  
瓜與果百苦無一甜蚊蚋白晝出無病遭針砭爬搔遍  
頂踵疥癩同溝蟾面目客中改幸無妻子覘安得萬斛  
水洗此炎方炎新浴衣朱振已被肌汗沾輕羅與細葛



著體如磨鎌當食設匕箸縮手未敢拈酒肉入腸胃如  
魚吞鈎箝羲和推日轂炎帝擲火籤自辰直過午炭熾  
膏頻添涼颺如可買何惜萬匹縑絕壑如可避何惜千  
年潛青青田中苗稀疎如脫髯更有十日旱或恐三農  
殲天公倘垂憫一雨飛廉織霖霽遍大野頃刻溝渠淹  
農心焦可慰臣身甘就燔恒賜書所咎離畢詩其占帝  
曰非汝責越請將無嫌汝田不自泊爲人求蓋苦再拜  
領天戒頓覺神形恬巽風發浩浩坎水流漸漸驕陽倏  
解駁清明隨視瞻胸中古冰雪散若柳絮鹽方寸有真  
宰一聖消羣愴視聽入元化撒去壘與簾宛宛三足鳥

何曾虐窮簷始知伯礙于此中多帶黏後彫乃松栢先  
零爲蒲兼同入造化鑪高下判冕襜寒暑有代謝順序  
吾何厭

獨夜

獨夜羅緯寒夢與春遠近如見所思來開奩理蓬鬢

偶然作四首

道旁有高樓奇麗出恍惚珠玉爲簾櫳黃金塗屈戌悠  
悠路人口傳是神仙窟誰知樓中人倚闌正愁絕

貧女易爲飾荆釵勝瑤簪寒士易感恩一飯酬千金一  
飯豈云德知己無淺深千金豈云報聊盡區區心

海上采靈藥服之長不死不死亦何爲且以全生理東  
家乳臭兒榮名動鄉里嗟爾采藥翁寂滅同殤子  
蛟龍宅大海鷓鴣巢葦枝所處雖云異託身各有宜久  
旱不作雨龍兮爾何爲完巢鬻我子庶免時人譏

三至鳳灘謁灘神廟

人鬼相爭地飢寒互戰身三年成獨往千里惜殘春魂  
夢依親舍安危託水神生憎灘上柳猶似故園新

過茨灘

弱纜牽船上急湍浪花如雪打篷寒鴻毛性命岨頃刻  
到此才知涉世難

辰陽舟次

三載蠻荒海浪游，春江又泛五谿舟。  
天從錦輿開殊域，水自牂牁匯衆流。  
過客幾人磨盾鼻，將星終古燭壺頭。  
伏波祠外蒼烟暝，到眼山容慘若秋。

過永綏舊城

築鑿當年亦甚牢，惜無健將守臨洮。  
於今雉堞藏狐兔，空鎖寒雲萬仞高。

次向曉園寄懷韻

鑄就昆吾鐵，摩挲欲試鋒。  
未騰霄漢上，甘被雪霜封。  
邊郡宵無櫜，谿酋歲納寶樓蘭。  
今已斬屈汝，挂長松。

傲裘次張蓉裳

家樂韻

有裘勝無裘休論毛與韉  
譬彼腐儒食安問麤與鑿  
男兒志仗俠寒儉傲臺閣  
羸身卧雪毡鐵甲鑿冰漠  
君裘雖云傲較煖喜畧畧華  
侈俗競尚熏滌襲繡襪頗詫市  
兒觀不償子孫博多君耐歲  
寒臆鷄聽膈膊自負骨相殊  
未恥衣食惡齊物續蒙莊  
短褐寵貂貉我亦蓄傲裘  
補綻不厭著包裘置塵箱  
寒極每搜索久要貧賤交  
患難儼可託平生麋鹿性  
不受紈綺縛三年客武谿  
凍倒蠻軍幕縫裳布麤麤  
蕝醉酒薄薄白眼看蜉蝣  
生死秋葉落緋拒須買憐  
劍學王郎斫披裘敵勁風  
苦寒威頓

郗君今去京華宮袍艷城郭得新莫棄舊車笠裘有約  
送賀松英女史入道漢上

遠追南嶽魏天樂譜瑤琴夢隔湘江曲仙招漢水深素  
親鋤玉朮訪道關珠林翹睇黃樓鶴冥冥何處尋

黃陂道中

紅塵十丈逐征車破曉長驅日又斜山縣瘠田閑健犢  
驛牆荒柳聚寒鴉居民草草成村落過客勞勞問酒家  
安得一壓歸小隱弟兄生計足桑麻

祥符旅次元夕

搏粟爲燈祀五神不燒銀燭照芳春故鄉今夕饒烟火

論俗還輸此地淳

都門別苾兒

兄弟難爲別，斯行况客中。  
浮雲隨去馬，落日盼歸鴻。  
飯

幸慈親健，經開稚子蒙。  
一官雖落拓，猶勝阮途窮。

時見選城

官步校

蘆溝橋

欲畔牢愁，醉後歌征衫。  
贏得酒痕多者，番狐負橋頭月。  
滿面緇塵，白晝過。

黃金臺

幾輩驩駟，道路開無須。  
買駿築層臺，黑貂裘做黃金盡。

空策疲驢自去來

琉璃河

畿輔泉源練影緘琉璃河瀉碧灩灩花飛古道迷雙轍  
麥秀平疇露半帆橋畔芻香新熟酒馬頭塵浣舊征衫  
勞人稅駕知何日悔不長携白柄鏡

五桂故里

少日曾聞竇桂丹昔賢佳話等閒看君家兄弟多於我  
過此纔知競爽難

滹沱河

爍衣炊麥此經過馮鄧勲名尙懣軻笑我書生成底用



一鞭殘日渡淖池

渡餘水

卽古泝水張耳斬陳餘處

微時劉項儼同袍  
逐鹿中原大義消  
當日英雄半如此  
不須苛議耳餘交

韓侯嶺

國土墳前宿草衰  
至今過客有餘悲  
功成少將登壇日  
死鞏真王拜命時  
千古是非遷史定  
一生心跡蒯通知

史遷傳淮陰以蒯生就烹之言作結有微意也  
班史節去此段別立蒯生傳失其旨矣

從來安樂

原難共鳥盡弓藏  
悔已遲

介山

微祿難霑拂袖還紛紛狐趙笑疎頑  
小人有母能偕隱  
欲乞先生舊住山

望霍山

行色匆匆岳色閑客程未許暫躋攀  
高盤西晉開雄鎮

遠與南衡作副山茅土昔曾封貴冑

地爲周霍叔道封

貨財今

復達重關鄉心欲託隨陽雁來往朝霏暮靄間

游岳陽四字山

靈境何年顯霍陽一鞭閒叩白雲堂  
銜芝鹿躡苔痕瘦

穴樹蜂黏栢子香

山寺有古栢根下窟蜂穴其中

泉石頓清塵外夢

支厨能恕客中狂茶餘覓句忘歸晚  
別辭分題古佛場

郭有道墓

一東生芻仰止深中郎碑版久消沈墓門曠有槐陰在

留得清風直到今

墓門有漢槐  
廣蔭數畝

霍光故里

不學何須歎徙薪生前禍福已相因大臣一念私妻子  
功蓋伊周亦罪人

黃石公祠

秦火焚餘典籍空留侯饒有讀書風顛羸蹟項興劉策  
都在先生一卷中

陶朱公墓

貨殖於公只緒餘史家特傳意何居文章畢竟難圖霸  
我亦心儀致富書

豫讓橋

國士殊知未易邀平生恩怨尙參參此身幸不爲人許  
策蹇閑過豫讓橋

裴晉公故里

唐相功成返故鄉平泉草木有輝光後賢謀國都無暇  
耒老先開綠野堂

蒲坂道中望中條山

中條嵐氣撲天清曲磴迴巒面面迎送我西行三百里

故人誰似此山情

汾涑謠

水分爲汾東爲涑山西古水名相屬我來尋源更討流  
 未知此水人何求於農旣無灌溉功於商亦乏舟楫通  
 涑流於世頗無用篤生賢哲何隆隆隋有文中子朱有  
 司馬公河汾講學涑水相時地雖異名則同要知山川  
 鍾毓有其會無用之用用乃工吾鄉三湘天下奇視彼  
 汾涑利倍之賢哲挺出乃其宜胡爲乎濂溪旣往知者  
 希男兒四十貴強立宦學無成徒悚慄今我過此發長  
 謠雙流爲我增湍急

望華山

朶朶芙蓉碧作堆  
西秦雲氣鬱崔嵬  
秀擎仙掌三峯出  
險劈雄關四扇開  
繞麓河聲喧日夜  
凌空嶽色隱風雷  
何時喚醒希夷夢  
料理芒鞋共往來

藺相如墓

匹夫一怒叱強秦  
歸國偏能避重臣  
如此襟懷真蓋世  
長卿豈是慕名人

楊伯起墓

夫子高名世所欽  
四知猶未愜余心  
關西若可方東魯  
誰敢輕投暮夜金

班仲升墓

男兒自分老行間，不斬樓蘭誓不還。  
百萬貔貅同出塞，幾人生入玉門關。

題唐瓶帖瞻衡圖

與君同住衡山陽，與君同客華山旁。  
蓬飛萍聚數千里，一衡一華遙相望。  
眼底蓬蓬白雲起，兩家親舍分微茫。  
君誦詩人陟屺句，夢魂直入陔南堂。  
有妻有子佐色養，親壽與嶽爭緜長。  
琴瑟銜鼓忽驚覺，依然太華凌青蒼。  
祝融紫蓋不可卽，貌入絹素神飛揚。  
我亦天涯倦遊客，讀君此圖增慨慷。  
安得偕歸學農圃，春畦荷鋤秋築場。

餐藜奉母有至樂結廬况乃臨清湘雲峯七二在咫尺  
高騎紫鳳同翱翔

題蔡翁竹蘭紀夢遺照

閻浮提界一大夢誰其醒者徒瞢瞢惟從伽葉證前身  
曇華偶現天人供蔡翁竹蘭儒家流氣可吞虹文吐鳳  
湖海歸來詩滿囊雲山老去書充棟學富從來不療貧  
才奇自古難爲用至今身世誤儒冠一舉僅備鄉人貢  
乃其賦性參涅槃盤慧根本自前生種蘭徵已結阿耨緣  
艾歲屢造優檀封精藍古刹夢中因月地霜天頻過從  
遂憑地獄覺羣蒙更衍輪迴醒大衆浩劫宜留不壞身



始知所論非鑿空胡爲怛化刹那間紅塵不返游仙鞵  
杖履徒參畫裡禪蓼莪莫補詩中痛長君憂愛傷早孤  
屬我留題意珍重孝思能通最上乘福周亦爲君家頌

輯隋唐石刻次車秋舫

持謙韻

訪古徒聞獵碣遷韓蘇遺詠至今傳與君共著搯碑錄  
作客頻添付質錢蛩砌秋聲空絮聒蠶筐春繭自纏綿  
書成用覆誰家飯莫怪旁觀笑啞然

重九前一日同人集興善禪寺爲陶山先生作生

日因登慈恩薦福二塔無錫周雨香行爲繪花

甲重周第十圖敬題三首

叨陪騶從叩禪關看遍終南雪後山

秦中寒甚九月初終南積雪彌望

市地寒花占晚節參天古柏稱幽攀

寺多古柏

題鮫且喜重

陽近煮茗能銷半日閑指點漢唐遺蹟在樊川杜曲有

無間

摩空雙塔碧層層健步猶堪杖策登紀勝詩非高叟固

絕倫書讓褚公能

慈恩塔下有褚書聖教序記二碑

古懷雅逐忘年侶

禪悅還參最上乘何惜布金成妙果好留玉帶付山僧

慈恩願祀寺僧乞修

灑毫寫照借虛牕曠放能令白髮降絳甲重周才第十

蘇門諸客况無雙勝游不減香山社好句分題古佛幢

三  
去  
生  
房  
言  
用  
卷  
二  
副  
本  
欲  
從  
周  
昉  
乞  
傳  
將  
佳  
話  
到  
湘  
江

代陶山先生答葉司馬灼見贈一律卽送其解官

歸里

相逢一笑破秋濛共賞寒香老圃中  
官閣開尊尋舊雨歸裝壓擔賸清風  
名花招隱真堪妬倦鳥思還那許同  
從此龍眠舊居士吟懷定與畫爭工

木鷺溪畔皖江邊回首風塵又幾年  
雲水蕭疎紅蓼國烟波浩蕩白鷗天  
羨君此去鄉愁解觸我臨歧旅夢牽  
他日籬東重對酒郵筒頻寄和陶篇

書張孝子割股療父疾事

剖肉醫親疾倉皇出至誠禱祈人事盡生死此身輕不  
畏儒林議何知世俗名斑衣留血暈點滴鬼神驚

書劉孝婦割股療翁疾事

素諳食性奉羹湯侍藥兼能代子嘗葭朮無功誠可補  
肌膚不愛痛全忘禱祈但盡閨中力靈應何須海上方  
翁壽頓延由孝感始知婦德勝姬姜

題唐韋滄

發

抱琴圖

抱琴不彈將何爲高山流水知音希良材豈遂老爨下  
人生何處無鍾期君琴斲自小雷手嶧桐之餘空桑枝  
黃金爲徽白玉軫絙以七尺冰蠶絲不隨箏笛悅俗耳

要將律呂和天倪周廟朱弦奏疏越虞廷紫鳳歌來儀  
不爾文囊裁古錦斷紋深貯梅花肌紅裙買醉世所貴  
響泉寒玉誰能知如君自得琴中趣或鼓或罷無不宜  
請君爲我彈一曲銜杯細聽情爲移吟猿綽注我未解  
但覺松風謾謾蘭猗猗

和陶山先生音聲樹聽事詩用杜工部古栢行韻

昨從華廟觀商栢離奇崛強撐鐵石霜皮霧鬣抱周槐  
難與此槐較尋尺此槐植自都堂前唐蔭召棠同護惜  
金甌曾覆秋花黃玉樹頻分霜簡白都堂舊在南內東  
音聲直達蓬萊宮非絲非竹出樹杪如鸞如鶴鳴高空

堂堂房杜與姚宋千秋相業留清風生意婆娑人已往

方補造化誰之功先生治才爲國棟六枳名與三槐重

先生以六枳自號

印花若若綬纍纍坐向柯南屢迎送

先生二權巡撫

老幹直欲成蒼龍孫枝會見集么鳳不似當年張曲

江柘材僅爲文章用

三長物齋詩略卷二終